



St Josephine Bakhita

Lindur: 1869 në Darfur, Sudan

Vdekur: 8 shkurt 1947 në Itali

Josephine Bakhita u lind në vitin 1869 në Darfur, Sudan. Në moshën shtatë vjeçare, ajo u rrëmbye nga trafikantët arabë të skllëvërve dhe në 8 vitet në vazhdim u shit dhe u rishit 5 herë. Ajo ishte aq e traumatizuar nga rrëmbyesit, sa që nuk mbante mend as emrin e saj. Rrëmbyesit e quajtën atë “Bakhita”, që do të thotë “Njeri me shumë fat”.

Pronari i saj i fundit, konsulli Italian, e solli atë në Itali si dado për vajzën e tij. Kur familja duhet të udhëtonte për punë, e linte Bakhitën dhe vajzën nën kujdesin e Motrave Kanosiane të Institutit të Katekumenëve në Venecia. Atje, ajo njohu dhe përjetoj dashurinë e Zotit.

Në vitin 1890, Bakhita kërkoi të pagëzohej dhe të quhej Josephine. Kur familja u kthye të merrte vajzën dhe Bakhitën, Josephine rezistoi dhe çështja e saj shkoi në gjykatë, e cila mbështeti lirinë e saj, duke qënë se skllavëria nuk ishte e njohur nga ligji Italian. Në vitin 1896 ajo mori votat si motër Kanosiane dhe për 50 vitet në vijim ajo bëri një jetë të thjeshtë, me besim dhe shërbime (veçanërisht si portiere në konventë), duke treguar dashamirësi për këdo, veçanërisht për fëmijët e rrugës.

Në vitet e fundit të jetës së saj, ajo vuajti nga sëmundje dhe kujtimet që e përndiqnin mbi kohën e skllavërisë, me rrahje dhe fshikullime me kamzhik. Josephine Bakhita u nda nga jeta në vitin 1947 dhe në vitin 2000 u kanonizua. Ajo ishte Sudanezja e parë që u shpall e Shenjtë.

St Josephine Bakhita: Lutu për ne!

Në qoftëse ju keni nevojë për ndihmë ose njihni dikë që ka nevojë për ndihmë mund të telefononi në këtë numër falas:

11 60 06



***Dita Ndërkombëtare Kundër
Trafikimit të Qenieve Njerëzore***

***“Jo më sklevër,
por motra dhe vëllezër”***

Papa Françesku

O Hyj, zemrat na trishtohen dhe shpirtrat na trazohen, kur dëgjojmë që fëmijë dhe të rritur dërgohen në vende të panjohura me qëllim shfrytëzimin seksual, punën e detyruar dhe transplantimin e organeve dhe që dinjiteti e të drejtat e tyre njerëzore përdhosen përmes kërcënimeve, gënjeshtreve dhe dhunës.

Ne klithim me denesë kundër skllavërisë moderne dhe lutemi së bashku me Shën Bakitën, që të marrë fund kjo veprimtari djallëzore.

Na e jep urtinë dhe guximin të ngrihemi dhe të qëndrojmë me vëllezërit dhe motrat tona, që u lënduan fizikisht dhe shpirtërisht, në mënyrë që së bashku të mund të realizojmë premtimin tënd duke ju dhuruar dashurinë, butësinë dhe mirësinë.

Bëj o Zot, që shfrytëzuesit të kthehen tek Ti dhe të heqin dorë nga kjo poshtërsi e ligë. Na ndihmo që të shpallim lirinë, e cila është dhurata jote për fëmijët e tu.

Amen

Në qoftëse ju keni nevojë për ndihmë ose njihni dikë që ka nevojë për ndihmë mund të telefononi në këtë numër falas:

11 60 06